

Бирга тафаккур қилайлик! (бешинчи мақола)

Image not found or type unknown



13:00 / 24.11.2021 2576

Тафаккур борасида мақоланинг биринчи сонида тўхталиб ўтган эдик. Ушбу мақолада баъзи бир жонзотлар ҳақида сўз юритилади. Улар ҳақида тафаккур қилсак, Аллоҳ таолонинг азаматига, қудратига, мусаввирлигига, ҳар бир нарсага қодирлигига яна бир бор тан берамиз, иймонимиз нури зиёда бўлади.

Сув

Аллоҳ таоло Қуръони Каримда ҳар бир тирик нарсани сувдан яратганини таъкидлаган. У Зот Қуръони Каримда шундай деб марҳамат қилган:

﴿ اَمْهَانَ قَتَفَ اَقْتَرَاتِنَاكَ ضُرَّالْاَوَاتِ اَوَامَّسَلَانَا اَوْرَفَكَ نِيْدَلَا رِيْمَلَوَا
نُونْمُوِي الْاَفَا ۞ يَحْيٰى شَلْكَ اَمَلَا نَم اَنْلَعَجَو

«Куфр келтирганлар осмонлару ер битишган бўлганини, бас, уларни

очганимизни ва сувдан ҳар бир тирик нарсани қилганимизни билмайдиларми? Иймон келтирмайдиларми?» (Анбиё сураси, 30-оят)

Инсон ҳам, бошқа тирик жонзотлар ҳам сувдан яратилган ва улар ҳаёти давомида сувсиз яшолмайди.

Ушбу расмдаги манзара бир томчи денгиз сувининг микроскоп орқали кўриниши. Унда балиқ тухумлари, бактериялар, қисқичбақа личинкалари, қуртлар ва ҳоказо жонзотлар мавжуд.

Қаранг, бир томчи сувда шунча жонзот яшайди, кўпаяди, униб-ўсади.

Ушбу расмдаги денгиз томчиси тахминан 25 марта катталаштирилган тасвир экан.

Бойўғли

Бойўғли ўз инида яшар экан, танасининг ранги шу дарахт рангига мос ҳолда бўлади. Бу фан тилида мимикрия деб аталади. Бунда жонзот ўзи турган маконга ранг, шакл жиҳатидан мослашиши тушунилади.

Бойўғлининг ранги дарахт рангига ҳамоҳанглигидан бир қарашда болалари ҳам қараб турганини пайқаш қийин.

Жонзотлардаги бундай мослашув ов пайтида ўлжасини қочириб юбормаслик, душман ҳамласи ва бошқа хавфлардан сақланиш учун хизмат қилади.

Аллоҳ таолонинг қудратига далолат қилувчи қирғоқ

Расмга ўнг тарафдан изоҳ

Яшил дала; (Даладан чиқаётган оқава сувлар дарёга қуйиляпти)

Сариқ дарё;

Қора қирғоқ;

Мовий денгиз.

Бир жойнинг ўзида шундай ранг-барангликни яратиб қўйган буюк Мусаввир пок ва қудратлидир!

Аллоҳ таолонинг яратган махлуқлари борасида тафаккур қилсак, Унинг қудратига, азаматига қойил қолиб, иймонимиз нури зиёда бўлади,

ибодатга рағбатимиз ортади ва ибодатларимизни янада ихлос билан адо этадиган бўламиз.

Сўзимизни ушбу оят билан якунласак:

لَا إِلَهَ إِلَّا اللَّهُ وَنُؤْمِنُ بِالْإِسْلَامِ وَنُؤْمِنُ بِمَا نَزَّلَ اللَّهُ فِي الْقُرْآنِ مِنْ بَيِّنَاتٍ لِقَوْمٍ يَعْلَمُونَ

«Бу Аллоҳнинг яратганидир. Қани, Менга кўрсатинг-чи, Ундан бошқалар нимани яратдилар. Йўқ! Золимлар очиқ-ойдин адашувдадирлар» (Луқмон сураси, 11-оят)

Аллоҳ таоло ҳаммамизга Ўзининг яратган махлуқлари борасида тафаккур қилиб, иймонимиз нури зиёда бўлишини насиб этсин, ҳаммамизни Ўзининг ҳидоятидан айирмасин ва хотимамизни чиройли қилсин!

Интернет маълумотлари асосида Нозимжон Ҳошимжон тайёрлади